



Jafnréttis- og jafnlaunastefna MSNM

Í starfsmannastefnu sjóðsins kemur fram að gæta skuli jafnréttis milli allra kynja og að hver starfsmaður verði metinn á eigin forsendum. Þá skulu starfsmenn hafa jafna möguleika til að njóta sín og vaxa í starfi án tillits til kynferðis, trúarbragða, skoðana, þjóðernis, kynþáttar, kynhneigðar, aldurs og stöðu að öðru leyti og að nýta beri til jafns þá auðlegð sem felst í menntun, reynslu og viðhorfum allra kynja.

Menntasjóður námsmanna stefnir að jöfnu hlutfalli kynja meðal starfsmanna og að ákveðin störf flokkist ekki sem sérstök störf eftir kyni. Kynjunum skulu greidd jöfn laun og þau njóta sömu kjara fyrir jafnverðmæt eða sambærileg störf sem og hvers konar frekari þóknana. Einnig skulu þau njóta sömu kjara hvað varðar lífeyris-, orlofs- og veikindarétt og hver önnur starfskjör eða réttindi sem metin verða til fjár. Jafnlaunastefnan er unnin samræmi við þau lög og reglugerðir sem fjalla um jafna stöðu og jafnan rétt kvenna og karla sem og aðra mismunun og er hluti af launastefnu fyrirtækisins. Enn fremur kemur fram að allir starfsmenn eiga rétt á því að komið sé fram við þá af virðingu. Fordómar, kynferðisleg áreitni, kynbundið ofbeldi eða einelti verður ekki liðið.

Ávalt er unnið að stöðugum umbótum á jafnréttis- og jafnlaunastefnu Menntasjóðsins. Í því felst umbætur á eftirliti og viðbrögðum.

Jafnréttisáætlun fyrir Menntasjóðsins er gerð í samræmi við 5. gr. laga nr. 150/2020 um jafna stöðu og jafnan rétt kynjanna. Áætlunin er liður í því að ná fram stefnu sjóðsins og jafna stöðu allra kynja innan sjóðsins og minna starfsfólk og stjórnendur á mikilvægi þess að allir fái notið sín án tillits til kynferðis, trúarbragða, skoðana, þjóðernis, kynþáttar, kynhneigðar, aldurs og stöðu að öðru leyti og að nýta beri til jafns þá auðlegð sem felst í menntun, reynslu og viðhorfum allra kynja. Jafnlaunastefna sjóðsins er órjúfanlegur partur af jafnréttisstefnu og jafnréttisáætlun sjóðsins.

Reykjavík, 20. janúar 2020
(uppfært 17. ágúst 2021)

Hrafnhildur Ásta Þorvaldsdóttir
framkvæmdarstjóri MSNM